

ՇՆՈՐՀԱՎՈՐ ԱՆԿԱՏՈՒԹՅԱՆ 105 - ԱՄՅԱԿՂ, ՎՐԱՍՏԱՆ



«ՑՐԱՆՑԱՆՈ» (ՆԱԺԱՐԹՅՈՒՆ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 41 - 42 (17150) ՇԱՐԱԹ 27 ՄԱՅԻՍԻ 2023 Թ. ԳԻՆԸ 40 ԹԵՐԹԻ

ՄԱՅԻՍԻ 26. ՎՐԱՍՏԱՆԸ ՆՇԵՑ ԴԵՏԱԿԱՆ ԱՆԿԱՏՈՒԹՅԱՆ ՎԵՐԱԿԱՆԳԵՄԱՆ ՕՐԸ՝ «ԱԶԱՏՈՒԹՅԱՆ ՄԻՐՈՎ»

Մայիսի 26-ին Վրաստանը նշեց երկրի Անկախության օրը: 105 տարի առաջ, 1918 թվականի այդ օրը, Վրաստանի ազգային խորհուրդը հռչակեց երկրի անկախությունը եւ ընդունեց «Վրաստանի անկախության հռչակագիրը»:

Անկախության օրվա միջոցառումների շրջանակներում, Թբիլիսիի Ազատության հրապարակում անցկացվեց ժամկետային զինծառայողների ավանդական երդման արարողությունը:

Արարողությանը ներկա էին եւ ելույթ ունեցան Վրաստանի նախագահ Սալոմե Ջուրաբիշվիլին, վարչապետ Իրակլի Դարիբաշվիլին, խորհրդարանի նախագահ Շալվա Դապուաշվիլին, Վրաստանի պաշտպանության նախարար Զուլաներ Բուրժուլաձեն:

Տոնական միջոցառմանը ներկա էին Վրաստանի գործադիր, օրենսդիր եւ դատական իշխանությունների, Վրաստանում հավատարմագրված դիվանագիտական կորպուսի ներկայացուցիչներ, հասարակական կազմակերպությունների, ստեղծագործական միությունների ներկայացուցիչներ, Միացյալ Նահանգներից, Ադրբեջանից ժամանած հյուրեր:

ՍԱԼՈՄԵ ՋՈՒՐԱԲԻՇՎԻԼԻ. «ՎՐԱՍՏԱՆԸ ՇԱՐՈՒՆԱԿԵԼՈՒ Է ԱՆԿԱՏՈՒԹՅԱՆ ԱՄՐԱՊՆԴԱՆ, ԺՈՂՈՎՐԴԱՎԱՐՈՒԹՅԱՆ ՆԵՐՐԻՄԱՆ ԵՎ ԵՎՐՈՊԱԿԱՆ ԸՆՏԱՆԻՔԻՆ ՄԻԱՍԿՈՒ ՈՒՂԻՆ»

Շնորհավորելով հանդիսության մասնակիցներին եւ զինվորական երդում տված նորակոչիկներին Վրաստանի անկախության 105-ամյակի առիթով՝ Վրաստանի նախագահ, գերագույն գլխավոր հրամանատար Սալոմե Ջուրաբիշվիլին իր խոսքում նշեց, որ Վրաստանը դարձել է իր առջեւ ծառացած մարտահրավերների հաղթահարման համար: Նրա խոսքով, Անկախության օրը վրաց ժողովրդի պայքարի արդյունքն է եւ, չնայած Ռուսաստանի կայսրության ճնշման ու խորհրդային բռնազավթման, վրաց ժողովրդի անկախության միտվածությունն անընդհատ ուժեղանում էր:

- Այդ օրը ինքն իրեն չի եկել: Որպեսզի մայիսի 26-ը իրականանար, մեր նախնիներն իրենց կյանքը զոհաբերեցին անկախության համար: Մենք քաջ գիտենք ազատության եւ խաղաղության արժեքը, գիտենք, որ այդ երկու հասկացություններն անբաժանելի են,- հայտարարեց նախագահն ու հավելեց, որ երկրի գլխավոր որոշիչը հասարակությունն է, որն արդեն արտահայտել է իր կամքը:

- Վրաստանը շարունակելու է անկախության ամրապնդման ու միասնության, եվրոպական ժողովրդավարության ներդրման եւ եվրոպական ընտանիքին միանալու ճանապարհը,- հայտարարեց նախագահն ու հավելեց, որ իշխանություն-



ները պետք է կատարեն ժողովրդի կամքն ու ապահովեն երկրի եվրոպական ընտանիքին միացումը:

ԻՐԱԿԼԻ ԴԱՐԻԲԱՇՎԻԼԻ. «ՄԵՆՔ ԿԱՌՈՒՑՈՒՄ ԵՆՔ ԱԶԱՏ ԵՐԿԻՐ, ԹԵՔՎ ԱՆԿԱՏՈՒԹՅՈՒՆԻՑ ՄԻՆՉԵՎ ԱԶԱՏՈՒԹՅՈՒՆ ՃԱՆԱՊԱՐՉ ՈՒՆԵՆՔ ԱՆՑՆԵԼՈՒ»

- Այսօր մեր երկրի քաղաքացիներս Վրաստանում եւ նրա սահմաններից դուրս, մեր իսկական բարեկամների եւ գործընկերների հետ միասին, նշում ենք մեր պատմության առանձնահատուկ, մեզանից յուրաքանչյուրի համար ամենակարևոր իրադարձությունը՝ Վրաստանի Անկախության օրը: 105 տարի է անցել այն օրվանից, երբ Վրաստանի Առաջին Հանրապետության իշխանությունը հայտարարեց պետական անկախության վերականգնման մասին,- Վրաստանի Անկախության օրվան նվիրված միջոցառման ընդգծեց Վրաստանի վարչապետ Իրակլի Դարիբաշվիլին:

Նա կանգ առավ վերջին տարիներին երկրի տնտեսական եւ սոցիալական ձեռքբերումներին՝ նշելով, որ դրան հաջողվեց հասնել երկրում խաղաղության ու կայուն (Շարունակությունը՝ 4-րդ էջում)

ԳԱԳԱԹԱԺՈՂՈՎ

ԻՐԱԿԼԻ ԴԱՐԻԲԱՇՎԻԼԻ. «ԻՆՉ Է, ՄԵՐ ՊԱՏԵՐԱԶՍԸ ՊԱՏԵՐԱԶՍ ԶԷՐ, ԻՍԿ ՈՒԿՐԱԽՆԱՅԻ ՊԱՏԵՐԱԶՍԸ ՊԱՏԵՐԱԶՍ Է. ԵՎՐՈՊԱՅԻ ԵՎ ԱՄԵՐԻԿԱՅԻ ԲԱՐԵԿԱՄՆԵՐ, ԻՆՉՈՒՒ ԱՅՆ ԺԱՄԱՆԱԿ ՊԱՏԺԱՄԻՋՈՅՆԵՐ ԶՍԱՀՄԱՆԵՅԻՔ»

Մայիսի 23-ին Վրաստանի վարչապետ Իրակլի Դարիբաշվիլին Քաթարի մայրաքաղաք Դոհայում մասնակցեց Քաթարի էմիրի հովանու ներքո եւ Bloomberg կազմակերպմամբ անցկացված տնտեսական միջազգային ամենամյա զագաթաժողովին:

Միջազգային տնտեսական զագաթաժողովի շրջանակներում կայացած հանդիպմանը, Վրաստանի վարչապետը խոսեց երկրում իրականացված բարեփոխումների, եվրաինտեգրմանն ուղղված միջոցառումների, Վրաստանի սոցիալ-տնտեսական իրավիճակի բարելավմանն ուղղված կառավարության ձեռնարկած քայլերի մասին:

Վրաստանի վարչապետն իր խոսքում անդրադարձավ ռուս-ուկրաինական պատերազմի թեմային՝ պարզաբանելով այդ հարցում երկրի հստակ դիրքորոշումը: Մասնավորապես, խոսելով Ռուսաստանի դեմ Արեւմուտքի կողմից սահմանած պատժամիջոցների եւ դրանց Վրաստանի միանալ-չմիանալու (Շարունակությունը՝ 4-րդ էջում)



ԴԻՐՔՈՐՈՇՈՒՄ

ՇԱԼՎԱ ՊԱՊՈՒՍԵՎԻԼԻ. «ՀԱՅԱՍՏԱՆԻՆ ԴԵՊԻ ԾՈՎ ԵԼՔԻ ԱՊԱՀՈՎՈՒՄԸ ՄԵՐ ՊԱՐՏԱՎՈՐՈՒԹՅՈՒՆՆ Է...»

«ՎՐԱՍՏԱՆԻ ԵՎ ՌՈՒՍԱՍՏԱՆԻ ՄԻՋԵՎ ԾՈՎԱՅԻՆ ՀԱՂՈՐԴԱԿՅՈՒԹՅԱՆ ՄԱՍԻՆ ԽՈՍՔ ԶԻ ԵՂԵԼ»

Վրաստանի խորհրդարանի նախագահ Շալվա Դապուաշվիլին հերքեց ընդդիմության հայտարարությունն այն մասին, որ Վրաստանի կառավարությունն իբր «ակտիվ գաղտնի բանակցություններ» է վարում Մոսկվայի հետ:

Նրա խոսքով, Վրաստանի նկատմամբ Ռուսաստանի ընդունած՝ օդային հաղորդակցության վերականգնման եւ այցեգրերի վերացման մասին որոշումը միակողմանի է, Վրաստանի կառավարությունը դրանց հետ ոչ մի կապ չունի:

- Ոչ մի բանակցության մասին խոսք չի եղել: Խոսքը վերաբերում է Ռուսաստանի միակողմանի որոշումներին: Վրաստանն այդ հարցով ոչ մի որոշում չի ընդունել, Վրաստանի քաղաքացիների համար այցեգրային պարտավորությունը ռուսական կողմից ներդրվել էր միակողմանի կարգով եւ այդ (Շարունակությունը՝ 2-րդ էջում)



ՄԱՅԻՍԻ 23-Ը ԱՐԽԱԶԻԱՅԻ ՕՐՆ Է

ՀԱՇՏԵՑՄԱՆ ԵՎ ՎՍՏԱՅՈՒԹՅԱՆ ՎԵՐԱԿԱՆԳՆՄԱՆ ՆՈՐ ՄՈՏԵՑՈՒՄ ՎԱՐՉԱՊԵՏԻ ՇՆՈՐՀԱՎՈՐԱՆՔԸ՝ ԱՐԽԱԶԻԱՅԻ ՕՐՎԱ ԱՌԻՌՈՎ

Համայն Վրաստանի Կաթողիկոս-Պատրիարք Իլիա Երկրորդի օրհնությամբ, մայիսի 23-ին Վրաստանում նշվում է Արխազեթրան (Արխազիայի օրը):

Օրվա կապակցությամբ, Վրաստանի վարչապետ Իրակլի Դարիաշվիլին տարածեց հատուկ ուղերձ: Շնորհավորելով տոնի առիթով՝ նա նշեց, որ «Վրացական երազանքի» քաղաքական թիմը արխազ եղբայրներին առաջարկել է նոր մոտեցում՝

հաշտեցման եւ վստահության վերականգնման քաղաքականություն, քանի որ երկրի տարածքային ամբողջականության վերականգնումից առաջ իշխանության հիմնական նպատակներից մեկը միմյանց վստահությանն արժանանալն է:

ԱԶԳԱՅԻՆ ՀԵՐՈՍ ԳԵՆՈ ԱՂԱՄԻԱՅԻ ԿԻՍԱՆԴՐԻՆ՝ ԹԲԻԼԻՍԻ ՀԵՐՈՍՆԵՐԻ ՀՐԱՊԱՐԱԿՈՒՄ

Արխազիայի օրվա կապակցությամբ, Թբիլիսիի Հերոսների հրապարակում կանգնեցվել է Վրաստանի ազգային հերոս, գեներալ Գենո Աղամիայի կիսանդրին:

Մայիսի 23-ին կայացած միջոցառմանը ներկա էին Վրաստանի պաշտպանության նախարար Ջուրաբեր Բուրժուլաձեն, մայրաքաղաքի քաղաքապետ Կախա Կալաձեն, զինվորականներ, հասարակության ներկայացուցիչներ:

Միջոցառման մասնակիցները ծաղիկներով զարդարեցին Վրաստանի տարածքային ամբողջականության համար զոհված հերոսների հուշահամալիրը եւ հարգանքի տուրք մատուցեցին նրանց հիշատակին:

տակին:

- Գենո Աղամիան պարկեշտ մարդ էր, գեներալ-մայոր, ով շարունակում էր կռվել 23-րդ բրիգադի հետ՝ նույնիսկ Սուխումիի անկումից հետո: Նա հերոսաբար ընկավ այս ճակատամարտում: Կրկին խոնարհվում եմ հերոսների առաջ, - ասաց Կախա Կալաձեն: Նշենք, որ 1993 թվականի սեպտեմբերի 27-ին նույնիսկ Սուխումիի անկումից հետո, Գենո Աղամիան հրաժարվեց



հանձնվել եւ շարունակեց դիմադրել արխազ անջատողականներին: Սեպտեմբերի 28-ին նա հերոսաբար զոհվեց Քելասուրի կամրջի վրա:

ՆԵՐԿՈՒՄԱԿՑԱԿԱՆ

«ՎՐԱՑԱԿԱՆ ԵՐԱԶԱՆՔԻ» ԿՈՒՍԱԿՑԱԿԱՆ ՀԱՄԱԺՈՂՈՎՆԵՐԸ՝ ՍԱՄՑԽԵ-ՋԱՎԱԽԵԹԻ ՏԱՐԱԾԱՇՐՋԱՆՈՒՄ ԱՆԱԼՔԱՆՔԻ ԵՎ ՆԻՆՈՇՄԻՆԴԱՅԻ ՔՍՂԱՔԱՊԵՏԵՐ ՄԵԼՔՈՆ ՄԱԿԱՐՅԱՆՆ ՌԻ ԱՆԻ ՄՈՍՈՅԱՆԸ ԳԼԽԱՎՈՐԵՅԻՆ «ՎՐԱՑԱԿԱՆ ԵՐԱԶԱՆՔԻ» ՏԵՂԱԿԱՆ ԿԱԶՄԱԿԵՐՊՈՒԹՅՈՒՆՆԵՐԸ



Մայիսի 24-25-ին նման համաժողովներ անցկացվեցին Սամցխե-Ջավախեթի տարածաշրջանի Ախալքալաքի, Նինոծմինդայի, Ախալցխեի, Ասպինձայի, Բորժոմիի եւ Ադիգեմիի մունիցիպալիտետներում: «Վրացական երազանքի» կուսակցական տարածաշրջանային համաժողովներին մասնակցեցին եւ ելույթ ունեցան «Վրացական երազանք» կուսակցության նախագահ Իրակլի Կոբախիձեն, կուսակցության գլխավոր քարտուղար Կախա Կալաձեն, գործադիր քարտուղար Մամուկա Մդինարաձեն, տարածաշրջանային քարտուղար Դմիտրի Սամխարաձեն, Վրաստանի խորհրդարանի պատգամավորներ Սամվել Մամուկյանը, Սմբատ Կյուրեղյանը, Անտոն Օբուլաշվիլին, Սամցխե-Ջավախեթի տարածաշրջանի պետական լիազոր-նահանգապետ Բեսիկ Ամիրանաշվիլին:



ԱՆԱԼՔԱՆՔԻ. «Վրացական երազանքի» կուսակցական համաժողովում Ախալքալաքիի մունիցիպալիտետի կուսակցական կազմակերպության նախագահ ընտրվեց մունիցիպալիտետի քաղաքապետ Մելքոն Մակարյանը:

Կազմակերպության բյուրոյի անդամներ են ընտրվել Անահիտ Ասատր

«Վրացական երազանք» կառավարող կուսակցությունը շարունակում է երկրի տարածաշրջաններում կուսակցական համաժողովների անցկացման գործընթացը:

յանը, Սողոմոն Ասլանյանը, Նանա Արտմեիձեն, Սեդա Մելքոնյանը, Համլետ Մովսիսյանը, Հրաչ Մովսիսյանը, Ջուրբեր Նեմսաձեն, Գրիգոր Ղարաբեկյանը, Հակոբ Չախմախյանը:

ՆԻՆՈՇՄԻՆԴԱ. «Վրացական երազանքի» կուսակցական տարածաշրջանային համաժողովում Նինոծմինդայի մունիցիպալիտետի քաղաքապետ Անի Մոսոյանը ընտրվեց մունիցիպալիտետի կուսակցական կազմակերպության նախագահ: Համաժողովում բյուրոյի անդամներ ընտրվեցին Բաբկեն Անանիկյանը, Գարուշ Արզումանյանը, Արմեն Բոդյանը, Գեորգ Իսոյանը, Նինա Կուրդիյանը, Հարություն Հովհաննիսյանը, Ամալյա Մդինայանը, Կարինե Շախբազյանը, Արմենուհի Շիրինյանը:

ԱՆԱԼՔԱՆՔԻ. «Վրացական երազանքի» կուսակցական համաժողովում Ախալցխեի մունիցիպալիտետի քաղաքապետ Իրակլի Լազարաշվիլին ընտրվեց տեղական կուսակազմակերպության նախագահ:

ԱՄՊԻՆՁԱ. «Վրացական երազանքի» կուսակցական համաժողովում Ասպինձայի մունիցիպալիտետի քաղաքապետ Ռոստոմ Մադրաքվելիձեն ընտրվեց տեղական կազմակերպության ղեկավար:

ԲՈՐժՈՄԻ. «Վրացական երազանքի» կուսակցական համաժողովում Բորժոմիի մունիցիպալիտետի քաղաքապետ Օթար Արբոլիշվիլին ընտրվեց տեղական կազմակերպության նախագահ:

ԱԴԻԳԵՄԻ. «Վրացական երազանքի» կուսակցական համաժողովը տեղական կազմակերպության նախագահ ընտրեց Ադիգեմիի մունիցիպալիտետի քաղաքապետ Գոչա Քիմաձեին:



ԱՄՆ ՎԻՋԱՆԵՐԻ ՎՃԱՐՆ ԱՎԵԼԱՑՎՈՒՄ Է

ԱՄՆ պետքարտուղարությունն ամբողջ աշխարհում նախատեսում է 2023 թվականի մայիսի 30-ից բարձրացնել ոչ ներգաղթային վիզաների որոշ տեսակների համար նախատեսված վճարի չափը:

Բիզնեսի կամ զբոսաշրջության համար նախատեսված B1/B2 տեսակի վիզաների եւ առանց միջնորդագրի տրվող ոչ ներգաղթային վիզաների՝ ուսանողական, փոխանակման այցելուների վիզաների համար նախատեսված վճարը, 160 ԱՄՆ դոլարի փոխարեն, այժմ կլինի 185 ԱՄՆ դոլար:

Միջնորդագրի վրա հիմնված ոչ ներգաղթային վիզաների (H, L, O, P, Q եւ R տեսակի վիզաներ ժամանակավոր աշխատողների համար) վճարը, 190 ԱՄՆ դոլարի փոխարեն, կլինի 205 ԱՄՆ դոլար:

Ավելացել է նաեւ E տեսակի վիզաների վճարը՝ 205 ԱՄՆ դոլարից դառնալով 315 ԱՄՆ դոլար:

ՌԻԿՐԱԽԱՅԻՆ ՕԳՆՈՒԹՅԱՆ 375 ՄԻԼԻՈՆ ԴՈԼԱՐԻ ՆՈՐ ՓԱԹԵԹ

ԱՄՆ նախագահ Ջո Բայդենը հայտարարեց, որ Ուկրաինային ռազմական օգնության մոր փաթեթի չափը կկազմի 375 մլն դոլար:

ԱՄՆ-ը Ուկրաինային 35,7 միլիարդ դոլարի ռազմական օգնություն է տրամադրել 2022 թվականի փետրվարի 24-ից, եւ 36,9 միլիարդ դոլար՝ այն ժամանակվանից, երբ ԱՄՆ նախագահի պաշտոնում է գտնվում Ջո Բայդենը, ավելի վաղ հայտնել էր Պենտագոնի մամուլի ծառայությունը:

2022 թվականի դեկտեմբերին Կոնգրեսի կողմից հաստատված Ուկրաինային 48 միլիարդ դոլարի օգնության փաթեթից մնացել է մոտ 6 միլիարդ դոլար: Սա նշանակում է, որ Վաշինգտոնի կողմից Կիևի կարիքների ֆինանսավորումը կարող է սպառվել մինչեւ ամառվա կեսը:

ՌԻԿՐԱԽԱ

ՏԵՂԻ ՌԻԴԱՓԱՌ ԵԿԵՂԵՑԻՆ ԱՆՑՆՈՒՄ Է ՆՈՐ ՕՐԱՑՈՒՅՑԻ

Ուկրաինայի Ուղղափառ եկեղեցին անցնում է նոր օրացույցի: Այսուհետ Սուրբ Ծնունդը երկրում, հունվարի 7-ի փոխարեն, նշվելու է դեկտեմբերի 25-ին: Փոխվելու են նաեւ այլ տոների ամսաթվերը, որոնցից Աստվածահայտնությունը հունվարի 19-ի փոխարեն, կնշվի հունվարի 6-ին, իսկ Սուրբ Նիկողայոսի տոնը՝ դեկտեմբերի 6-ին, դեկտեմբերի 19-ի փոխարեն: Սուրբ Ջատիկն ու Երրորդությունը կսահմանվեն հին ձևով:

Նոր տոմարին անցնելու պաշտոնական որոշումն ընդունվել է մայիսի 27-ին Մայր տաճարում:

ԵՎՐԱՄԻՈՒԹՅՈՒՆ

ՍԱՌԵՑՎԵԼ ԵՆ ՌՈՒՍԱՍՏԱՆԻ ԿԵՆՏՐՈՆԱԿԱՆ ԲԱՆԿԻ ԱՎԵԼԻ ՔԱՆ 200 ՄԻԼԻԱՐԴ ԵՎՐՈՅԻ ԱԿՏԻՎՆԵՐԸ

Եվրամիության երկրները Եվրահանձնաժողովին զեկուցել են Ռուսաստանի Կենտրոնական բանկի ավելի քան 200 միլիարդ եվրոյի ակտիվների սառեցման մասին:

Ռուսաստանի դեմ պատժամիջոցների 10-րդ փաթեթի պահանջների համաձայն, Եվրամիության երկրները հաշվետվություն են ներկայացրել Ռուսաստանի Կենտրոնական բանկի ավելի քան 200 միլիարդ եվրոյի սառեցված ակտիվների մասին:

Հաշվետվության մեջ չի ճշտվել, թե որքան գումար է սառեցվել եվրոպական յուրաքանչյուր երկրում:

ՇԱԼՎԱ ՊԱՊՈՒՄԵԿԻՆ. «ՀԱՅԱՍՏԱՆԻՆ ԴԵՊԻ ԾՈՎ ԵԼՔԻ ԱՊԱՅՈՎՈՒՄԸ ՄԵՐ ՊԱՐՏԱՎՈՐՈՒԹՅՈՒՆՆ Է...»

(Սկիզբը՝ 1-ին էջում)

պարտավորությունը ռուսական կողմից միակողմանի կարգով էլ վերացվեց, հայտարարեց Շալվա Պապուաշվիլին:

Ինչ վերաբերում է ծովային փոխադրումների մասին պնդումներին, ապա դա նրա խոսքով, տեղեկատվական «ֆեյք» է:

- Դա սովորական «ֆեյք» (կեղծ, հորինովի, ոչնչի վրա չհիմնված տեղեկատվություն) է, որը տեղեկատվական տարբեր աղբյուրների վրա հիմնված տարա-

ծել են «Դրո» կուսակցությունն եւ Ելենե Խոշտարիան,-ընդգծեց նա:

Շալվա Պապուաշվիլին հստակեցրեց, որ դա նախկին կոմերցիոն բեռների փոխադրում է, որը լրիվությամբ պատկանում է Հայաստանին: Վրաստանը միջազգային կոնվենցիայի մասնակից է, իսկ սա ենթադրում է, որ դեպի ծով ելք ունեցող երկիրը, պարտավոր է ազատ մուտք տրամադրել դեպի ծով ելք չունեցող երկրին:

- Հայաստանը, ինչպես զիտեք, դեպի ծով ելք չունեցող երկիր է: Միջազ-

գային կոնվենցիայով սահմանված՝ մեր պարտավորությունն է, ի լրացում Հայաստանի հանդեպ մեր երկկողմ պարտավորությունների, ապահովել որպեսզի այդ երկիրը ունենա ազատ ելքը դեպի Սև ծով: Դա բեռնափոխադրում էր, որը լրիվությամբ տարանցիկ էր, պատկանում էր Հայաստանին: Ե՛վ նաև, ե՛ւ բեռը պատժամիջոցների տակ չէին գտնվում, նաև ռուսական դրոշի ներքո չէր երթնելու,- հայտարարեց Շալվա Պապուաշվիլին:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՀԱՆԴԻՊՈՒՄ

ՆԵՐԿԱՅԱՎԵՅ ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ԻՆՏԵՐՄԱՆ ԱԿՏԻՎԱՅԻՄԱՆ ՀԱՐՉԸ

Մայիսի 22-ին, Վրաստանի Հաշտեցման եւ քաղաքացիական իրավահավասարության հարցերով պետնախարար Թեա Ախվեղիանու գլխավորությամբ, տեղի է ունեցել հանդիպում պաշտոնական այցով Վրաստանում գտնվող Եվրոպայի խորհրդի ազգային փոքրամասնությունների պաշտպանության շրջանակային կոնվենցիայի խորհրդատվական կոմիտեի մոնիթորինգի պատվիրակության հետ:

Պետնախարարը պատվիրակության անդամներին ներկայացրեց քաղաքացիական իրավահավասարության եւ ինտեգրման պետական քաղաքականության առաջնահերթություններն ու խնդիրները: Նա մանրամասն վերանայեց շրջանակային կոնվենցիայով ստանձնած պարտավորությունների կատարումը, տրամադրեց համապարփակ տեղեկատվություն պետության կողմից իրականացվող գործունեության համապատասխանության մասին կոնվենցիայով նախատեսված չափանիշներին ու սկզբունքներին:

Խորհրդատվական կոմիտեի ներկայացուցիչները պետական քաղաքականություն իրականացնող մարմիններից ստացան համապարփակ տեղեկատվություն մարդու իրավունքների պաշտպանության, խտրականության դեմ պայքարի, քաղաքացիական իրավահավասարության եւ ինտեգրման ուղղությամբ պետության կողմից գործադրվող ջանքերի ու յուրաքանչյուր ոլորտում ձեռք բերված արդյունքների մասին: Վրաստան կատարած այցի ընթացքում, պատվիրակությունը հանդիպեց նաեւ ազգային փոքրամասնություններով հոծաբնակ մունիցիպալիտետների ոչ կառավարական կազմակերպությունների ու տեղական ինքնակառավարման մարմինների ներկայացուցիչների հետ:



ՎՐԱՍՏԱՆ - ՆԱՏՕ

ԸՆԴՊԾՎԵՅ ԱՆՅԱՆՍԻՆ ԱՆՂԱՄԱԿՈՒԹՅԱՆ ԱՌԱՋԸՆԹԱՅԻ ԿԱՐԵՎՈՐՈՒԹՅՈՒՆԸ



Մայիսի 25-ին, տարածաշրջանային այցի շրջանակներում, Թբիլիսիում էր գտնվում Կովկասում եւ Կենտրոնական Ասիայում Դյուսիսատլանտյան դաշինքի գլխավոր քարտուղարի հատուկ ներկայացուցիչ Խավիեր Կոլմինան:

Այցի շրջանակներում, Դյուսիսատլանտյան պաշտոնատար անձը հանդիպումներ ունեցավ Վրաստանի նախագահ Սալոմե Զուրաբիշվիլի, խորհրդարանի նախագահ Շավա Պապուաշվիլի, Վրաստանի

նի արտաքին գործերի նախարարի առաջին տեղակալ Լաշա Դարսալիայի, ինչպես նաեւ «Ազգային շարժում», «Հանուն Վրաստանի», «Լեւոն՝ Վրաստանի համար» եւ «Ռազմավարությունը՝ Աղմուկներից» ընդդիմադիր կուսակցությունների ներկայացուցիչների հետ:

Հանդիպումներում քննարկվեց այս տարվա հուլիսին նախատեսված ՆԱՏՕ-ի՝ Վիլնյուսի գագաթաժողովի նախապատրաստման գործընթացը, խոսվեց Վրաստանի անվտանգության մարտահրավերների մասին, կարելի էր Վրաստանի առաջընթացը ՆԱՏՕ-ին անդամակցելու ճանապարհին:

ԱՌՈՂՋԱՊԱՐԿՈՒԹՅՈՒՆ

ԶԳՈՒՇԱՅԷ. ՎՐԱՍՏԱՆՈՒՄ ՍԿՍՎԵԼ Է ԿԱՐՄՐՈՒԿԻ ԵՎ ԶՐԾԱԴԻԿԻ ՎԱՐԱԿՄԱՆ ՄԻԱԺԱՄԱՆԱԿՅԱ ԲՈՆԿՈՒՄ

Վրաստանի վարակաբանները զգուշացնում են այս տարի կարմրուկի եւ ջրծաղիկի միաժամանակյա բռնկման վտանգի մասին:

Ինչպես պարզաբանեց իմունիզացման խորհրդատվական խմբի ղեկավար Իվանե Չխաիձեն, դա բնական գործընթաց է, վարակման բռնկումը տեղի է ունենում մինչեւ 5 տարի ընդմիջումով:

Վարակաբանի խոսքով, վերջին բռնկումը գրանցվել է 2018 թվականին, այն ժամանակ գրանցվել էր 10106 դեպք, իսկ սովորական տարիներին գրանցվում է 3-4 հազար դեպք:

Այս տարվա սկզբից արդեն վարակվել է 3118 երեխա:

Ի տարբերություն կարմրուկի, ջրծաղիկի պատվաստումը պարտադիր չէ եւ

պատվաստումների ազգային օրացույցում ներառված չէ: Երեխաների մոտ հիվանդությունը թեթեւ բնույթ ունի, եւ նրանք ձեռք են բերում իմունիտետ: Մեծահասակների մոտ հիվանդության ընթացքը շատ ավելի ծանր է լինում:

Ջրծաղիկի պատվաստումը Վրաստանում իրականացվում է բացառապես ըստ ցանկության, իմունիզացման մասնավոր կլինիկաներում:

Վերջին 5 տարիների ընթացքում երեխաների ավելի քան 20 տոկոսը պարտադիր կրկնակի պատվաստում չի անցել, ռիսկի խմբում է ավելի քան 10 հա-

զար երեխա: Առողջապահության նախարարությունը ծնողներին կոչ է անում չհրաժարվել պատվաստումից, եւ այն անցկացնել ժամանակին:

Ի տարբերություն ջրծաղիկի, կարմրուկը առավել վտանգավոր հիվանդություն է, ավելի հաճախ է առաջացնում բարդություններ եւ, վիճակագրության համաձայն, դրանից մահացության ցուցանիշն ավելի բարձր է:

Առողջապահության նախարարությունը զգուշացնում է նաեւ «Դրիմ-Կոն-գո հեմոռագիկ տենդի» տարածման մասին: Այն արդեն վավերացվել է Վրաստանում, հիմնականում՝ Սամցխե-Ջավախեթի եւ Շիդա Քարթլիի տարածաշրջաններում:

ՏԱՐԱԾԱՆԵՐԶԱՆ

ՆԻՆՈԾՄԻՆԴԱ. ՊԱՐԳԵՎՆԵՐ՝ ԼԱՎԱԳՈՒՅՆ ՄԱՐԶԻԿՆԵՐԻՆ



Նինոծմինդայում պարգևատրեցին 2023 թվականին երկրում եւ նրա սահմաններից դուրս լավագույն արդյունքներ ցուցաբերած մարզիկներին:

Միջոցառումը կազմակերպել էր մարզադպրոցը: Մունիցիպալիտետի լավագույն 19 մարզիկ ստացան դիպլոմներ ու նվերներ:

Հասարակության համար խոսքով հանդես եկավ մշա-

կույթի, կրթության, սպորտի, հուշարձանների պահպանության, երիտասարդների հարցերի եւ տուրիզմի զարգացման ծառայության պետ Լեւոն Վարդանյանը:

Միջոցառմանը ներկա էին Նինոծմինդայի մունիցիպալիտետի քաղաքապետ Անի Մոսոյանը, փոխքաղաքապետ Ալեքսանդրե Միքելաձեն, քաղաքապետարանի եւ ավագանու աշխատակիցներն ու մարզասեր հասարակությունը:

ԶԲԱՂՎԱԾՈՒԹՅԱՆ ԱՌԱՋԻՆ ՏԱՐԱԾԱՆԵՐԶԱՆԱՅԻՆ ՖՈՐՈՒՄԸ ԱՆԱԼՑԻԽԵՆՈՒՄ

Ախալցխեում մայիսի 30-ին կանցկացվի զբաղվածության առաջին տարածաշրջանային ֆորումը: Քաղաքացիները հնարավորություն կունենան մեկ տարածքում ծանոթանալու ինչպես ցանցային ապրանքանիշերի, այնպես էլ՝ տեղական բիզնեսի ակտիվ թափուր աշխատատեղերին: Միջոցառումը կմեկնարկի Ախալցխեի Մեսխեթի պետական դրամատիկական թատրոնի հրապարակում:

Բացի ֆորումից, Զբաղվածության խթանման պետական գործակալությունը մայիսի 29-ին Ախալցխե-

ում կբացի իր առաջին սպասարկման կենտրոնը, որը տեղացիներին հնարավորություն կտա մշտապես ծանոթանալ տարածաշրջանում ակտիվ թափուր աշխատատեղերի, գործակալության կողմից տարբեր ուղղություններով իրականացվող ծառայությունների եւ ծրագրերի մասին:

ԱՆԱԼՔԱԼԱՔԻ. ՆՈՐ ՄԱՐԶԱԴԱՇՏ ՄՈՒՆԻՑԻՊԱԼԻՏԵՏԻ ՔԱՂԱՔԱԴԵՏԻ ՆԱԽԱՁԵՌՆՈՒԹՅԱՄԲ

Ախալքալաքի քաղաքապետարանի ողջ տարածքով շարունակվում են մինի մարզադաշտերի կազմակերպման աշխատանքները:

Մարզական ենթակառուցվածքների բարելավման եւ առողջ ապրելակերպի հաստատման նպատակով մունիցիպալիտետի քաղաքապետ Մելքոն Մակարյանի նախաձեռնությամբ, վարչական միավորներում ակտիվ ընթանում են մինի մարզադաշտերի եւ մարզադահլիճների կառուցման աշխատանքները:

Վաչիան գյուղն ունի նոր բազմագործառնությամբ մինի մարզադաշտ: Ծրագրի արժեքը 45 997 լարի է:

Էջը պատրաստեց ՅՈՒՐԻ ՆՈՐԵՆՅԱՆԸ

ՆԱԽԱԳԱՅԱԿԱՆ ՆԵՐՈՒՄ 13 ԴԱՏԱՊԱՐՏՅԱԼԻ

Վրաստանի նախագահը ներում է շնորհել 13 դատապարտյալի:

Նախագահի աշխատակազմի տեղեկատվությամբ, ինը դատապարտյալ ամբողջությամբ ազատվել է պատժի կրումից եւ կլքի քրեակատարողական հիմնարկը, իսկ չորս դատապարտյալների պատժաչափը կրճատվել է:

Ներում ստացածների թվում կա չորս դատապարտված կին:

ԱՃԵԼ ԵՆ ԲՆԱԿՉՈՒԹՅԱՆ ԱՄՍԱԿԱՆ ԵԿԱՄՈՒՏՆԵՐԸ

Վրաստանի ազգային վիճակագրական ծառայության փոխանցմամբ՝ 2022 թվականին Վրաստանի բնակչության միջին ամսական եկամուտների (դրամական եւ ոչ դրամական միջոցների) ծավալը կազմել է 1 մլն 596,1 հազար լարի, ինչը 17,3 տոկոսով ավելի է 2021 թվականի նույն ցուցանիշից:

2022 թվականի տվյալներով, մեկ տնային տնտեսության միջին ամսական եկամուտն աճել է 19 տոկոսով եւ կազմել 1 453,8 լարի, իսկ մեկ անձի հաշվով՝ 18,6 տոկոսով է աճել եւ կազմել 432,7 լարի:

Երկրի բնակչության ընդհանուր միջին ամսական եկամուտը քաղաքային բնակավայրերում աճել է 14,9 տոկոսով եւ կազմել 967,9 մլն լարի, իսկ գյուղական բնակավայրերում աճել է 21,4 տոկոսով եւ կազմել 628,1 մլն լարի:

ՈՒՂԻՂ ԶՎԵՐԹԵՐ՝ ԲԱԹՈՒՄԻ ԵՎ ԴԱՋԱՆՍԱՆԻ ՈՒԹ ՔԱՂԱՔՆԵՐԻ ՄԻՋԵՎ

Ընթացիկ տարվա հունիսից Ղազախստանի 8 քաղաքներից դեպի Բաթումի ուղիղ չվերթեր են սկսվում:

Դունիսի 10-ից SCAT ավիաընկերությունը շաբաթական 2 անգամ կիրականացնի Աստանա-Բաթումի չվերթը, իսկ նոր ուղղություններն են Շիմկենտ, Ակտաու, Ակտոբե, Ատիրաու եւ այլն:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (26 մայիսի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.5876
1 ԵՎՐՈ	2.7752
100 ՌՈՒՔԼԻ	3.2357
1000 ԴՐԱՄ	6.7101

ՄԱՅԻՍԻ 26. ՎՐԱՍՏԱՆԸ ՆՇԵՑ ԴԵՏԱԿԱՆ ԱՆԿԱՏՈՒԹՅԱՆ ՎԵՐԱԿԱՆԳԵՄԱՆ ՕՐԸ՝ «ԱԶԱՏՈՒԹՅԱՆ ՄԻՐՈՎ»

(Սկիզբը՝ 1-ին էջում)

օրենքի գերակայությունը, հավիտենական արժեքների ու ազգային շահերի պաշտպանությունը: Ազատությունը նախատեսում է այնպիսի միջավայր, որտեղ յուրաքանչյուր ընտանիքի հզորությունը իշխանության կարելու ազդու խնդիրն է ու միաժամանակ, պետության հզորության նախա-հիմքը, հայտարարեց

կավոր օկուպացումն է: Ես խորապես հավատում եմ, որ վրացիների, աբխազների, օսերի եւ այս հողի վրա ապրող բոլոր քաղաքացիների միասնությունն է, միակ ճանապարհը՝ դեպի ազատություն,- ընդգծեց Իրակլի Ղարիբաշվիլին:

Այդ օրը տոնական միջոցառումներ անցկացվեցին Վրաստանի բոլոր քաղաքներում, մունիցիպալային կենտրոններում: Անկախության տոնին նվիրված միջոցառումներ անցկացվեցին Ախալքալաքիում, Նինոծմինդայում, Ախալցխիսում, Ճալկայում, Մառնեուլիում, մյուս մունիցիպալիտետներում:



նության պահպանման շնորհիվ: Վարչապետի հավաստմամբ, իշխանության գլխավոր պատասխանատվությունն ու պարտավորությունը խաղաղության պահպանումն ու ամրապնդումն է, երկրի ժողովրդի պաշտպանությունը, երկրի փրկությունը:

- Այսօր, երբ պատմության մեջ առաջին անգամ ողջ սրությամբ դրված է միջուկային պատերազմի վտանգը, մեր կարելու ազդու պատասխանատվությունն ու պարտավորությունն է պահպանել խաղաղությունը, ժողովրդի պաշտպանությունը եւ մեր երկրի փրկությունը: Իշխանության խաղաղասիրական քաղաքականության արդյունքում, չնայած անբարյացակամների, ներքին եւ արտաքին թշնամիների ապակայունացման բազում փորձերի, Վրաստանը տարածաշրջանում հանդիսանում է խաղաղության եւ կայունության օազիս, քանի որ քաջ գիտենք պատերազմի գինն ու խաղաղության արժեքը: Քանի դեռ մեր երկրի, մեր ժողովրդի համար թեկուզ փոքր վտանգ սպառնա, մենք չենք դադարեցնի մեր պարտավորության կատարումը,- հայտարարեց Իրակլի Ղարիբաշվիլին:

Նրա խոսքով, անկախության ձեռքբերումից հետո սկսվեց ազատ երկրի շինարարությունը, թեւս անկախությունից մինչեւ ազատություն դեռեւս անցնելու ենք:

- Անկախություն ուրիշից ազատվել է նշանակում, իսկ ազատությունը սեփական, ազգային, բացառիկ, ինքնահաստատման ճանապարհով ընթանալն է: Ազատությունը նախատեսում է ինքնիշխան պետություն, որը ներքին ու արտաքին քաղաքականությունն իրականացնում է՝ ելնելով միայն իր ժողովրդի շահերից, նախատեսում է պետություն, որտեղ երաշխավորված է յուրաքանչյուր քաղաքացու քաղաքական եւ սոցիալական իրավունքը,

վարչապետը:

- Լիարժեք ազատություն մեզ համար առաջին հերթին նշանակում է մեր երկրի միասնությունը: Այսօր, եթե ինչ-որ ստվեր կա մեր ազատության տոնակատարության վրա, դա Ռուսաստանի կողմից մեր տարածքների ժամանա-



ՀԱՅԱՍՏԱՆԻ ՎԱՐՉԱՊԵՏԻ ՇՆՈՐՀԱՎՈՐԱՆՔԸ ՎՐԱՍՏԱՆԻ ՎԱՐՉԱՊԵՏԻՆ

Հայաստանի վարչապետ Նիկոլ Փաշինյանը Վրաստանի պետական անկախության վերականգնման օրվա առիթով շնորհավորական ուղերձ է հղել Վրաստանի վարչապետ Իրակլի Ղարիբաշվիլուն:

Ուղերձում ասված է.

«Ձերո զերազանցություն,

Ջերմորեն շնորհավորում եմ Ձեզ Վրաստանի ազգային տոնի՝ Պետական անկախության վերականգնման 105-րդ տարեդարձի կապակցությամբ:

Պետականության կերտման ճանապարհը միշտ չէ, որ հարթ է եղել, սակայն հայ եւ վրացի ժողովուրդներն իրենց հետեւողական պայքարի շնորհիվ ապացուցել են անկախ պետություն ունենալու իրենց իրավունքը, եւ այսօր էլ, հավատարիմ մնալով իրենց ձգտմանը, շարունակում են սերտորեն համագործակցել պետականաշինության գործում:

Վստահ եմ, որ առկա փոխգործակցության ներուժն ու գործընկերությունը խորացնելու երկու բարեկամ երկրների հաստատականությունը հետագայում եւս կնպաստեն եւ նոր խթան կհաղորդեն հայ ու վրացի ժողովուրդների միջեւ ձեւավորված եղբայրական հարաբերությունների եւ փոխշահավետ համագործակցության զարգացմանը:

Գնահատելի համարելով բարեկամ Վրաստանի ձեռքբերումները՝ հավաստիացնում եմ, որ Հայաստանը Վրաստանի համար վստահելի բարեկամ ու հարեւան պետություն է եւ այդպիսին էլ մնալու է:

Օգտվելով առիթից՝ մաղթում եմ Ձեզ քաջառողջություն եւ արդյունավետ գործունեություն, իսկ Վրաստանի բարեկամ ժողովրդին՝ խաղաղություն ու զարգացում», - նշված է շնորհավորական ուղերձում:

Վրաստանի Անկախության տոնի առթիվ իրենց վրաց գործընկերներին՝ Վրաստանի նախագահ Սալոմե Ջուրաբիշվիլուն եւ խորհրդարանի նախագահ Շալվա Պապուաշվիլուն, շնորհավորական ուղերձներ են հղել Հայաստանի նախագահ Վահագն Խաչատուրյանն ու Ազգային ժողովի նախագահ Ալեն Սիմոնյանը:

ԳԱԳԱԹԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ԻՆՉ Է, ՄԵՐ ՊԱՏԵՐԱԶՄԸ ՊԱՏԵՐԱԶՄ ԶԷՐ, ԻՍԿ ՈՒԿՐԱՆԱՅԻ ՊԱՏԵՐԱԶՄԸ ՊԱՏԵՐԱԶՄ Է. ԵՎՐՈՊԱՅԻ ԵՎ ԱՄԵՐԻԿԱՅԻ ԲԱՐԵԿԱՄՆԵՐ, ԻՆՉՈ՞Ւ ԱՅՆ ԺԱՄԱՆԱԿ ՊԱՏՃԱՄԻՋՈՅՆԵՐ ԶՍԱՀՄԱՆԵՅԻՔ»

(Սկիզբը՝ 1-ին էջում)

անալու հարցին, Իրակլի Ղարիբաշվիլին նշեց, որ եթե Ռուսաստանի նկատմամբ սահմանեինք երկկողմ տնտեսական պատժամիջոցներ, ապա Վրաստանի էկոնոմիկան կքանդվեր:

- Վրաստանի էկոնոմիկան կքանդվեր, մեր ժողովուրդը ծանր վնասներ կկրեին, եթե նման երկկողմ տնտեսական պատժամիջոցներ սահմանեինք: 2008 թվականին մենք պատերազմում էինք: Որեւէ մեկը հիշո՞ւմ է, արդյոք, որ մեր պատերազմի ժամանակ պատժամիջոցներ են սահմանվել՝ ոչ ոք: Աշխարհում ոչ մեկը ճշգրիտ չի արձագանքել, ոչ էլ համապատասխան արձագանք է եղել այդ պատերազմի մասին: Ուստի, հարց է ծագում. որտե՞ղ է տրամաբանությունը. ի՞նչ է՝ մեր պատերազմը պատերազմ չէ՞ր, իսկ Ուկրաինայի պատերազմը պատերազմ՞ է:

Նշեմ, որ խորապես հիասթափվել էինք, որ Ռուսաստանի հետ 2008 թվականի պատերազմից հետո էլ գործարարությունը սովորական կարգով շարունակվում է: Այդ

կործանարար պատերազմի արդյունքում, Ռուսաստանը բռնազավթեց մեր երկրի 20 տոկոսը, երկու ռազմական կառույցներ պատմական հողի վրա, ճանաչեց մեր պատմական տարածաշրջանի, այսպես կոչված, անկախությունը, եւ այդ բռնազավթումն այսօր էլ շարունակվում է: Ուստի, իմ հարցը եվրոպացի ու ամերիկացի բարեկամներին հետեւյալն է՝ թանկագին բարեկամներ, դուք շարունակում էիք Ռուսաստանի հետ գործարարությունը սովորական կարգով ու պատժամիջոցներ չէիք սահմանել: Տեղեկացնեմ, որ Եվրամիությունը մինչեւ 2022 թվականը Ռուսաստանին վճարել է 2,3 տրիլիոն դոլար, ոչ ոք գործարարությունը չի կանգնեցրել, ոչինչ չի կատարվել,- հայտարարեց Վրաստանի վարչապետն ու հավելեց, որ Վրաստանը միշտ աջակից է եղել Ուկրաինային, ցանկանում է պատերազմի շուտափույթ դադարեցում, Վրաստանը միացել է 500-ից ավելի միջազգային հայտարարության, բոլոր միջազգային հարթակներում պաշտպանել է Ուկրաինայի շահերը, Վրաստանի դիրքորոշումը լրիվությամբ համապատասխանում էր միջազգային

պատժամիջոցներին:

- Պետական դեպարտամենտը հայտարարեց, որ Վրաստանի ֆինանսական կառույցները, Ազգային բանկը լրիվությամբ համապատասխանում են ֆինանսական պատժամիջոցներին, սակայն ինչ վերաբերում է տնտեսական պատժամիջոցներին, ապա ցանկանում են ճշտել, որ Ռուսաստանի հետ Վրաստանի ապրանքաշրջանառությունը 1 միլիարդ դոլարից քիչ է: Համեմատության համար նշեմ, որ այդ գումարով Եվրամիությունն առետուր է անում չորս օրում, մենք այն կատարում ենք մեկ տարում,- ընդգծեց Վրաստանի վարչապետը:

Իր խոսքում Իրակլի Ղարիբաշվիլին անդրադարձավ նաեւ Վրաստանի քաղաքացիների համար Ռուսաստանի կողմից այցեգրային պայմանագրի չեղարկման եւ երկու երկրների միջեւ օդային հաղորդակցության վերականգնման թեմային:

- Վրաստանն ունի ինքնիշխան իրավունքներ, սեփական ազգային շահեր: Ռուսաստանի հետ ունենք տնտեսական եւ առետուրական հարաբերություններ, ունենք 1 միլիոն քաղաքացիներ, ովքեր ապ-

րում են Ռուսաստանում, եւ անմիջական օդային հաղորդակցությունը, ըստ իս, սովորական երեւոյթ է,- Դոհայում անցկացված միջազգային համաժողովում հայտարարեց Իրակլի Ղարիբաշվիլին ու հավելեց, որ անմիջական օդային հաղորդակցությունը չի նշանակում, որ Վրաստանի իշխանությունը Ռուսաստանի հետ իրականացնում է քաղաքական խորհրդատվություններ:

- Ինչպես արդեն նշեցի, դա մեր տնտեսական եւ առետուրական հարաբերությունների բաղկացուցիչ մասն է, այնպիսին, ինչպիսիք Եվրամիությունն ու Ամերիկան ունեն Ռուսաստանի հետ,- ընդգծեց վարչապետը:

Դոհայում անցկացվող տնտեսական միջազգային ֆորումի շրջանակներում, վարչապետ Իրակլի Ղարիբաշվիլին անցկացրեց մի շարք երկկողմ հանդիպումներ: Մասնավորապես, վարչապետը հանդիպում ունեցավ Քաթարի էմիր շեյխ Թամին բեն Համադ բեն Ալ Խալիֆա Ալ-Թանիի, երկրի վարչապետ շեյխ Մուհամմեդ բեն Աբդուլազիսան բեն Ջասի Ալ Թանիի հետ: